

SOALAN SOALAN LAZIM BERKAITAN KEMASUKAN KE UPNM

1. Berapakah Program yang ditawarkan oleh UPNM di peringkat Asasi Pertahanan dan Program Ijazah Sarjana Muda?

Universiti Pertahanan Nasional Malaysia menawarkan 3 program di peringkat Asasi iaitu :

- i. Asasi Perubatan
- ii. Asasi Kejuruteraan dan Teknologi
- iii. Asasi Pengurusan dan Strategi

Manakala program yang ditawarkan oleh UPNM di Peringkat Ijazah Sarjana Muda adalah :

- i. Ijazah Sarjana Muda Doktor Perubatan
- ii. Ijazah Sarjana Muda Kejuruteraan Awam
- iii. Ijazah Sarjana Muda Kejuruteraan Mekanikal
- iv. Ijazah Sarjana Muda Kejuruteraan Elektrik dan Elektronik (komunikasi)
- v. Ijazah Sarjana Muda Kejuruteraan Elektrik dan Elektronik (Kuasa)
- vi. Ijazah Sarjana Muda Teknologi Maritim
- vii. Ijazah Sarjana Muda Sains Komputer (Keselamatan Sistem Komputer)
- viii. Ijazah Sarjana Muda Sains Komputer (Sistem Cerdas)
- ix. Ijazah Sarjana Muda Pengajian Strategi
- x. Ijazah Sarjana Muda Pengurusan Sumber Manusia Pertahanan
- xi. Ijazah Sarjana Muda Sains Sosial (Bahasa dan Komunikasi Silang Budaya)

2. Berapa lamakah program ujian temuduga pemilihan Pegawai Kadet UPNM dijalankan dan apakah perbezaan ujian temuduga Pegawai Kadet dan juga Pelajar Awam?

Program ujian temuduga pemilihan Pegawai Kadet UPNM akan dijalankan selama 7-9 HARI. Perbezaan diantara ujian temuduga Pegawai Kadet dan Pelajar Awam tidak mempunyai perbezaan kerana semua calon perlu menjalani temuduga yang dijalankan. Walaubagaimanapun kuota pengambilan Pegawai Kadet adalah amat terhad ini menyebabkan semua yang lulus tidak semestinya ditawarkan menjadi Pegawai Kadet. Sehubungan itu calon-calon yang lulus temuduga juga boleh dipertimbangkan sebagai Pelajar Awam sekiranya kuota Pegawai Kadet telah dipenuhi serta memenuhi syarat yang telah ditetapkan.

3. Apakah cabaran sebagai Pegawai Kadet dan Pelajar Awam UPNM?

Cabaran sebagai Pegawai Kadet UPNM adalah seseorang itu perlu mempunyai kekuatan mental dan juga fizikal kerana UPNM akan melahirkan seorang Pegawai Kadet yang cemerlang dari segi akademik dan ketenteraan. Selain itu Pelajar Awam perlu menjalani program PALAPES bagi memenuhi keperluan pengijazahan.

4. Apakah peluang dan jaminan pekerjaan bagi lepasan siswa dan siswi UPNM?

Bagi Pegawai Kadet perlu lulus dan mendapat PNGK 2.70 ke atas untuk membolehkan mereka ditawarkan pekerjaan di dalam Angkatan Tentera Malaysia manakala Pelajar Awam perlu mencari pekerjaan sendiri di dalam bidang-bidang keselamatan Negara dan sektor korporat.

5. Apakah perbezaan diantara UPNM dengan Universiti yang lain?

Perbezaan diantara IPT dalam Negara ialah kerana UPNM adalah universiti butik di mana ianya berfokus kepada Keselamatan Pertahanan Negara di samping komited untuk menjadi sebuah Universiti Pertahanan Primier dalam Kepimpinan dan Pembangunan Professional dan Penciptaan Ilmu, Penyebaran Ilmu Pengetahuan dan Aplikasi Sains Pertahanan dan Teknologi serta Penyelidikan Polisi.

6. Ciri-ciri yang perlu dimiliki oleh pelajar UPNM?

Holistik, seimbang antara akademik dan kekuatan fizikal, lasak dalam sukan serta berkeupayaan membahagikan masa antara akademik dan latihan ketenteraan. Pelajar perlu bijak membahagikan masa. Disiplin adalah kunci utama pelajar di UPNM.

7. Bagaimanakah cara kehidupan sebagai pelajar UPNM?

Amat berbeza jika dibandingkan dengan pelajar IPTA lain. Di UPNM, kuliah bermula ataupun masa akademik bermula dari jam 8.00 pagi hingga 1.00 petang. Jam 1.00 – 2.00 petang dikhaskan untuk rehat/ makan dan solat manakala kuliah disambung dari jam 2.00 – 5.00 petang. Selepas itu, pelajar perlu memakai pakaian sukan dan turun ke padang untuk latihan dan gerak cergas. Pada sebelah malam, jika terdapat kelas tambahan/kuliah ganti akan diadakan dari jam 8 – 10 malam. Pada hari lain, pelajar perlu menjalani sesi pembelajaran sendiri/ulangkaji. Jam 11.30 malam, lampu ditutup dan semua pelajar dinasihatkan tidur supaya mereka dapat bangun awal.

8. Bagaimana memohon jika berminat sebagai pelajar UPNM?

Calon perlu memohon melalui dalam talian sebaik sahaja permohonan dibuka dan meletakkan UPNM sebagai Pilihan Pertama. Hanya calon yang disenarai pendek sahaja akan dipanggil untuk ke program temuduga. Permohonan boleh dibuat melalui <http://upu.moe.gov.my>